

Na osnovu člana 24. Statuta JZUDoma zdravlja "Izudin Mulabećirović-Izo" Tešanj, člana 4. Pravilnika o radu (broj:926/26), Uredbe o postupku prijema u radni odnos u javnom sektoru u Zeničko-dobojskom kantonu (Sl.novine ZDK broj 8/19) i Odluke direktora broj 03-05-7- 2247/22., VD Direktor Fejzić dr Mersiha, spec.pedijatar, raspisuje:

O G L A S
za prijem u radni odnos

I RADNO MJESTO

1. Doktor medicine u Službi porodične medicine.....1 izvršilac
na određeno vrijeme u trajanju 6 mjeseci
2. Diplomirani edukator-rehabilitator.....1 izvršilac
na određeno vrijeme u trajanju dvanaest mjeseci
3. Medicinski tehničar u Službi HMP2 izvršioca
na neodređeno vrijeme
4. Medicinski tehničar u Službi porodične medicine.....1 izvršilac
na određeno vrijeme u trajanju 12 mjeseci
5. Medicinski laborant..... 2 izvršioca
na određeno vrijeme u trajanju 12 mjeseci
6. NK radik na poslovima spremačice..... 1 izvršilac
na određeno vrijeme u trajanju 6 mjeseci

II USLOVI

Kandidati trebaju da ispunjavaju sljedeće :

a.) Opšti uslovi :

Kandidat treba ispunjavati opšte uslove za obavljanje poslova i radnih zadataka kako slijedi :

- da je državljanin BiH,
- da ima opštu zdravstvenu i poslovnu sposobnost,

b.) Posebni uslovi :

Za radno mjesto pod rednim brojem 1. :

- Završen Medicinski fakultet
- Položen stručni ispit u zvanju doktor medicine
- Posjedovanje Licence za samostalan rad u zvanju doktor medicine

Za radno mjesto pod rednim brojem 2.:

- Završen edukacijsko-rehabilitacijski fakultet VSS prvi ciklus ili VŠS VI stepen
- Jedna godina radnog iskustva na poslovima u zvanju dipl edukatora-rehabilitatora a koji su isti ili slični poslovima i radnim zadacima u Domu zdravlja.

Za radno mjesto pod rednim brojem 3.i 4.:

- Završena medicinska škola opći smjer
- Položen stručni ispit u zvanju medicinska sestra/tehničar
- Posjedovanje Licence za samostalan rad u stečenom zvanju

Za radno mjesto pod rednim brojem 5.:

- Završena medicinska škola – smjer laboratorijski
- Položen stručni ispit u zvanju laboratorijski tehničar
- Posjedovanje Licence za samostalan rad u stečenom zvanju

Za radno mjesto pod rednim brojem 6.:

- Završena osnovna škola

III POTREBNA DOKUMENTACIJA

Uz prijavu na ovaj oglas dostaviti sljedeću dokumentaciju:

1. Diploma o stečenom obrazovanju (svi kandidati),
2. Uvjerenje o položenom stručnom ispitu (za radno mjesto pod 1.,3.,4. i 5.)
3. Licenca za samostalan rad (za radno mjesto pod 1.,3.,4. i 5.)
4. Potvrdu o radnom iskustvu (za radno mjesto pod rednim brojem 2.)
5. Izvod iz matične knjige rođenih (svi kandidati),
6. Uvjerenje o državljanstvu (svi kandidati)

Kandidati mogu dostaviti dokaz o statusu branioca ili članova njihovih porodica u smislu člana 2., 3. i 4. Zakona o dopunskim pravima branilaca i članova njihovih porodica (Sl.novine ZDK 1/14), koji je prijavljen na evidenciji Službe za zapošljavanje.

Prijava obavezno treba sadržavati sljedeće elemente: ime i prezime kandidata, adresa, broj telefona i e-mail adresu, radno mjesto na koje se prijavljuje kandidat, spisak dokumenata koji se prilaže uz prijavu i potpis kandidata.

Sva potrebna dokumentacija dostavlja se u **originalu** ili **ovjerena kopija** (dokumenti se ne vraćaju).

Kandidati koji budu izabrani, naknadno će dostaviti uvjerenje o zdravstvenoj sposobnosti.

IV KRITERIJI ZA IZBOR KANDIDATA

Postupak izbora kandidata zasniva se na razmatranju dostavljene dokumentacije i održanom pismenom i usmenom ispitu sa svakim kandidatom, za radna mjesta pod rednim brojem od 1. do 5.

Postupak izbora kandidata za radno mjesto pod rednim brojem 6. zasniva se na intervju sa svakim kandidatom.

Obavijest o terminima testiranja i intervjuja za kandidate pod rednim brojem 1. do 5. dostaviće se putem e-maila, a za kandidate pod rednim brojem 6. putem telefona.

V OPIS POSLOVA I OSNOVNA PLAĆA

V1. doktor medicine u Službi porodične medicine:

Osnovna plaća: 2130,00KM

Kratak opis poslova:

Obavlja poslove porodičnog doktora u skladu sa Standardima i normativima u zdravstvu: obavlja ljekarske preglede osiguranika i drugih lica, na osnovu utvrđene dijagnoze propisuje optimalnu terapiju za liječenje bolesti, prati rezultate liječenja bolesnika, obavlja sistematske preglede djece prilikom upisa u predškolske i školske ustanove, vrši zdravstvene usluge male hirurgije u skladu sa svojim stručnim sposobnostima i normativima suvremene medicine, nadzire, dijagnostičira i prati tok trudnoće kao i nadzor nad porođiljom i novorođenčetom, sprovodi mjere imunizacije utvrđene zakonom i drugim propisima prema kalendaru za redovne vakcinacije i vakcinacije po ukazanoj potrebi, vrši stručni nadzor nad radom medicinskog osoblja u timu porodične medicine i druge poslove iz nadležnosti porodičnog doktora

V2. *Dipl.edukator-rehabilitator:*

Osnovna plaća: 1347,00KM

Kratak opis poslova:

Vrši prevenciju, rano otkrivanje i evidentiranje, dijagnostiku i tretman djece s intelektualnim teškoćama, motoričkim poremećajima i hroničnim bolestima i oštećenjem vida, primjenjuje vještine u smislu aplikacije stečenih saznanja u unapređenju svih područja razvoja djece s intelektualnim teškoćama, motoričkim poremećajima i hroničnim bolestima i oštećenjem vida; Planira i provodi specijalizirane edukacijsko-rehabilitacijske programe psihomotorne reedukacije sa djecom sa višestrukim smetnjama, poremećajima iz autističkog spektra i poremećajima verbalne i neverbalne komunikacije; Analizira društveni položaj i ostvarivanje prava djece s intelektualnim teškoćama, motoričkim poremećajima i hroničnim bolestima i oštećenjem vida; Provodi primjenu adaptiranih rehabilitacijskih tehnologija u edukaciji i rehabilitaciji; Vrši obuku o načinu korištenja specijalnih pomagala; Obavlja i druge poslove koji po prirodi spadaju u ovu grupu poslova;

V3. *Medicinski tehničar u Službi hitne medicinske pomoći*

Osnovna plaća: 1130,00KM

Kratak opis poslova:

Medicinska sestra-tehničar u HMP ima odgovornost da vrši zdravstvene usluge, obradu rana i usluge urgentne medicine za koje je osposobljena u skladu sa normativima savremene medicine. Pored poslova iz grupe kartotekara i poslova u intervenciji posebni zadaci medicinske sestre u Službi HMP su da: vrši blagovremenu sterilizaciju medicinskih instrumenata potrebnih za rad na pružanju svih vrsta zdravstvenih usluga urgentne medicine; vrši stručnu, primarnu i sekundarnu obradu rana u granicama svoje osposobljenosti; obavlja poslove asistiranja doktoru pri obradi rana; vrši prijem pacijenata za pružanje zdravstvenih usluga HMP; vodi evidenciju o svim pruženim zdravstvenim uslugama HMP i istu dostavlja odgovarajućim službama Doma zdravlja; vrši trebovanje materijala za rad (lijekove, zavojni i drugi sanitetski materijal); vrši pravdanje utroška lijekova i ostalog materijala kroz protokol izvršenih usluga; obavlja po nalogu ljekara sve vrste medicinskih intervencija nad pacijentom

V4. *Medicinski tehničar u Službi porodične medicine*

Osnovna plaća: 1130,00KM

Kratak opis poslova:

Vrši prijem pacijenata i pregled ispravnosti zdravstvene knjižice, poslove trijaže, odgovara na telefonske pozive – uređuje termine zakazivanja (daje savjete), uzima sestrinsku anamnezu i evidentira tegobe, evidentirajući sve informacije u karton pacijenta, radi EKG, labo nalaze, kao i druge nalaze prema mogućnosti, vrši neposrednu primjenu ampuliranih lijekova, vrši stručnu primarnu i sekundarnu obradu rana, ispiranje ušiju, klistiranje i kateteriziranje, i dr iz nadležnosti porodične sestre.

V5. Medicinski laborant

Osnovna plaća: 1130,00

Opis poslova i radnih zadataka:

obavlja stručne poslove u skladu sa stepenom stručne spreme i zvanja po principima moderne medicinske biohemijske djelatnosti, uzima biološki materijal na radnom mjestu i u stanu pacijenta svih populacija, vrši obradu biološkog materijala, vrši hematološke analize, pravi reagense za analize koje radi u saradnji sa specijalistom medicinske biohemije, formira nalaz, vodi zakonom propisanu medicinsku evidenciju, obavlja i druge poslove iz domena stručne spreme.

V6 NK radnik

Osnovna plaća: 567,00

Kratak opis poslova:

Vrši pripreme za održavanje prostorija koje su joj određene (pribavljanje pribora, metle, četke, kante za vodu, deterdženta i drugo), Vrši čišćenje podova, radnih površina, mokrog čvora i dr. radnih prostorija dva puta dnevno, iznosi otpatke smeća na odgovarajuće mjesto iz prostorija i čisti vanjski prostor ispred ulaza, čišćenje prozorskih stakala i druge stolarije, Prikuplja prljav veš i odvozi ga na pranje u vešeraj, trebuje i donosi čisti veš, kao i druge poslove iz domena higijeničarskih poslova. U toku rada može biti raspoređena i na druge odgovarajuće poslove u zvanju NK radnika (radnica u vešeraju, pralja laboratorijskog posuđa i slični poslovi).

VI POSTUPAK PRIJAVLJIVANJA

Prijave na Oglas sa dokazima o ispunjavanju uslova dostaviti u koverti sa naznakom "Prijava na Javni oglas za radno mjesto (navesti koje) – ne otvaraj – otvara Komisija" na adresu: JZU "DOM ZDRAVLJA" Izudin Mulabećirović-Izo" Tešanj, ul. Braće Pobrić 17, 74260 Tešanj

Prijave se dostavljaju u roku od 8 (osam) dana od dana posljednjeg objavljivanja.

Javni oglas biće objavljen u Dnevnom listu „Oslobođenje“, na web stranici JZU Doma zdravlja Tešanj, web stranici Općine Tešanj i web stranici Službe za zapošljavanje ZDK Zenica.

Neblagovremene i nepotpune prijave neće se razmatrati.

v.d. D I R E K T O R

Fejzić dr Mersiha
spec.pedijatar